

Լ. ՐԱՅՈՒ

«ՓԻԼԻՍՈՓԱՅԻՆ ԴԱՏԱՌՈՒԹՅԱՆ» ԶԵՌՆԱՐԿԻ ՆԱԽԱԳԾԻ ՔՆՆԱՐԿՈՒՄԸ ՀԱՅԿԱԿԱՆ ՍՍՌ ԳԱ ՓԻԼԻՍՈՓԱՅԻՆ ՍԵՎՏՈՐՈՒՄ

Սույն թվի ապրիլի 1-ին և 8-ին Հայկական ՍՍՌ Դիտությունների Ակադեմիայի Փիլիսոփայության սեկտորում կայացավ խորհրդակցություն նվիրված նոր հրատարակվելիք «Փիլիսոփայության պատմության» դասագրքի նախագծի քննարկմանը:

Բաց անելով խորհրդակցությունը, Փիլիսոփայության սեկտորի վարիչ ռ. Սումջանը նշեց ձեռնարկվելիք աշխատանքի առանձնահատուկ նշանակությունն ու կարևորությունը և կոչ արեց ակտիվ մասնակցություն ցուցաբերել փիլիսոփայության պատմության դասագրքի նախագծի քննարկմանը և կոնկրետ դիտողություններով օգնել հեղինակներին՝ փիլիսոփայության պատմության մարքսիստական լիարժեք դասագիրք ստեղծելու գործում:

Փիլիսոփայության պատմության դասագրքի նախագծի տարբեր բաժիններին նվիրված քննադատական ելույթներով հանդես եկան փիլիսոփայական գիտությունների դոկտորներ Վ. Չալոյանը և Հ. Գարրիբյանը, փիլիսոփայական գիտությունների թեկնածուներ Մ. Պետրոսյանը, Գ. Վարդանյանը, Գ. Աղաջանյանը և ռ. Սումջանը:

Վ. Չալոյանը առաջարկեց որոշ չափով ընդարձակել դրքի՝ հին-հունական փիլիսոփայությանը նվիրվելիք բաժինը և մի առանձին գլուխ նվիրել հելլենիստական շրջանի փիլիսոփայության զարգացմանը, քանի որ վերջինս փիլիսոփայության զարգացման պատմության մեջ ներկայացնում է որակական տեսակետից մի նոր էտապ: Ընչ վերաբերում է հռոմեական փիլիսոփայությանը, Չալոյանի կարծիքով այն պետք է ներկայացվի իբրև հելլենիստական փիլիսոփայության տարածումը՝ հռոմեական կայսրության մեջ:

Չալոյանի այս տեսակետը խիստ քննադատության ենթարկվեց ելույթ ունեցողների կողմից:

Իր ելույթում Վ. Չալոյանը նաև նշեց, որ նպատակահամար է ֆեոդալական դարաշրջանի փիլիսոփայության պատմության շաբա-

դրումն սկսել Արևելքի ֆեոդալական փիլիսոփայությունից: Չպետք է վաղ պատրիստիկայի փիլիսոփայությունը մտցնել ֆեոդալական շրջանի փիլիսոփայության մեջ (ինչպես այդ արված է դասագրքի նախագծում), քանի որ վաղ պատրիստիկայի փիլիսոփայությունը հանդիսանում է ստրկատիրական հասարակարգին հատուկ մի երևույթ: Չալոյանի կարծիքով անընդունելի է նաև նախագծում արտահայտված այն տեսակետը, թե նեոպլատոնիզմը հռոմեական փիլիսոփայական ուսմունք է. նեոպլատոնիզմը հանդիսանում է հելլենիստական ուսմունք: Վ. Չալոյանի կարծիքով բյուզանդական փիլիսոփայության սկիզբը պետք է համարել ոչ թե 9-րդ դարը, ինչպես այդ նված է դասագրքի նախագծի մեջ, այլ 8-րդ դարի առաջին կեսը, երբ ապրում և ստեղծագործում էր Իոան Դամասկինը: Վ. Չալոյանը փաստանք հայտնեց այն քանի համար, որ նախագծի մեջ տեղ չեն գտել Աղրբեջանի՝ 8—10-րդ դարերի փիլիսոփայությունը, ամբողջ հրեական փիլիսոփայությունը, որը՝ նրա կարծիքով, զգալի դեր է խաղացել Արևելքի փիլիսոփայական միտքը լատինական աշխարհին հաղորդելու գործում, ինչպես նաև 16—18-րդ դարերի հայկական ու վրացական փիլիսոփայությունը: Վ. Չալոյանն առաջարկեց որոշ չափով ընդարձակել ֆեոդալական դարաշրջանի փիլիսոփայության պատմությանը նվիրված գլուխները, նկատի ունենալով այն, որ այդ գլուխների մեջ մտցվում է Կիևյան Ռուսիայի, Չեխիայի, Բուլղարիայի, Հայաստանի, Վրաստանի, Միջին Ասիայի ժողովուրդների փիլիսոփայությունը:

Փիլիսոփայական գիտությունների դոկտոր Վրոնժ. Հ. Գարրիբյանը նշեց, որ դասագրքի երկրորդ մասը նախագծում ներկայացված է իբրև դիալեկտիկական մատերիալիզմի դասընթաց, և ոչ իբրև փիլիսոփայության պատմություն, և ուր գրքի այդ մասում պետք է շարադրել միայն մարքս-լենինյան փիլիսոփայության կատեգորիաների լինելիության պատմությունը, մնա-

ցածր թոգնելով գիամատին, բանի որ դիրքը գրվում է իրեն փիլիսոփայության պատմությանը:

Խոսելով նախագծի՝ հայ փիլիսոփայության պատմությանը նվիրված գլուխների մասին, Հ. Դարբինյանը մատնանշեց, որ նախագծում հիմնականում են անցյալի հայ փիլիսոփաներից շատ քչերը. անհրաժեշտ է գրել նաև Մովսես Խորենացու, Անանիա Շիրակացու, Դավիթ Անհաղթի, Սմբատ Զարհվանցու, Հակոբիոսի, Հովհաննես Սարկավազի, Որոտնեցու, Տաթևացու, Սիմեոն Զուղայեցու, Ներսես Մոկացու, Հովսեփ Էմինի, Հովհաննես քահանայի, ինչպես նաև արևմտահայ մտածողների մասին: Լուրջ առարկություններ առաջացրեց պրոֆ. Դարբինյանի այն պնդումը, թե 19-րդ դարի հայ փիլիսոփայության պատմության մեջ կարիք չկա խոսելու հաշտուր Արուսյանի մասին՝ իրեն փիլիսոփայի:

Խոսելով Արևելքի փիլիսոփայության մասին, Հ. Դարբինյանն ասաց, որ իր կարծիքով Արևելքի վերածննդի պատմությունը պետք է սկսել ոչ թե 12-րդ դարից, ինչպես հիշատակված է գրքի նախագծում, այլ 9-րդ դարից, թուրքական շարժման ժամանակաշրջանից: Պրոֆ. Դարբինյանի կարծիքով սխալ է Վ. Ջալոյանի այն տեսակետը, թե վաղ պատրիստիկայի փիլիսոփայությունը պետք է ուսումնասիրել ստրկատիրական հասարակարգի փիլիսոփայության մեջ: Վաղ պատրիստիկական, իրեն փիլիսոփայական ուսմունք, անպայման պետք է ուսումնասիրվի ֆեոդալիզմի դարաշրջանի փիլիսոփայության մեջ, թեպետ ժամանակագրական առումով նա ծագել է ստրկատիրական հասարակարգում:

Այս տեսակետը պայտպանեց նաև ընկա Մ. Պետրոսյանը: Մատնանշելով, որ սոցիալիստական իդեոլոգիան ևս ժամանակագրական տեսակետից ծագել է կապիտալիզմի շրջանակներում, Պետրոսյանը ասաց, որ միանգամայն անընդունելի կլինեք, եթե որևէ մեկը առաջարկեք այդ իդեոլոգիան ուսումնասիրել իրեն բուրժուական հասարակարգի իդեոլոգիա:

Խոսելով քննարկվող նախագծի՝ հայ փիլիսոփայական մտքի զարգացմանը նվիրված բաժինների մասին, Մ. Պետրոսյանը մատնանշեց, որ չի կարելի այնպես պատկերացնել, որ այդ դրքում տեղ պիտի գտնի ամբողջ հայ փիլիսոփայությունը՝ իր բոլոր ներկայացուցիչներով կամ ամբողջ հայ հասարակական մտքի զարգացումը: Մ. Պետրոսյանի կարծիքով պետք է խոսվի միայն այն հայ փիլիսոփաների կամ փիլիսոփայական ուսմունքների մասին, որոնք այս կամ այն չափով կապված են փիլի-

սոփայական մտքի զարգացման հետ քնդհանրապես:

Այնուհետև Մ. Պետրոսյանը մատնանշեց, որ գրքի նախագծում խիստ միակողմանիորեն է խոսվում Ֆոյերբախի մասին, ճիշտ չէ իրար կողքի դնել Ֆոյերբախին, Բրունո-Բաուերին և Շտրաուսին, բանի որ դրանով անտեսվում է Ֆոյերբախի դերը մատերիալիզմի զարգացման պատմության մեջ: Ֆոյերբախի մասին պետք է գրել միանգամայն պարզ և որոշակի, առանց խառնելու նրա հայացքները Բրունո-Բաուերի և Շտրաուսի հայացքներին, միաժամանակ ճիշտ որոշելով Ֆոյերբախի պատմական տեղը և ցույց տալով նրա սխալները: Գրքի երկրորդ բաժնի մասին ընկ. Պետրոսյանն ասաց, որ հակառակ ընկեր Դարբինյանի, իր կարծիքով ճիշտ են վարվել հեղինակները, երբ այդ բաժնում խոսում են նաև դիալեկտիկական մատերիալիզմի սկզբունքների մասին:

Իր ելույթում դոց. Գ. Վարդանյանը քննարկվող նախագծի դրական կողմերից մեկը համարեց այն, որ նախագծում մանրամասնորեն խոսվում է ուսական փիլիսոփայության, ՍՍՏՄ ժողովուրդների փիլիսոփայության և Արևելքի փիլիսոփայության մասին, որ նախագծում լիովին հաշվի են առնված փիլիսոփայական դիսկուսիայի արդյունքները և ցույց է տրված փիլիսոփայության երկու հիմնական ուղղությունների՝ մատերիալիզմի ու իդեալիզմի դարավոր պայքարը: Մի քանի կոնկրետ օրինակներով ցույց տալով, որ նախագծի ոչ բոլոր բաժիններում է անցկացվում պայքարի այդ գիծը, Վարդանյանը խոսեց նախագծի որոշ թերությունների մասին: Վարդանյանի կարծիքով նախագծում լրիվ չի ներկայացված Արևելքի, մասնավորապես Հնդկաստանի ու Չինաստանի փիլիսոփայությունը, ցույց չի տրված իդեալների հարաբերական ինքնուրույնությունը, վատ է լուսարանված դադափարական փոխազդեցության հարցը:

Ե. Աղաջանյանը նախագծի դրական կողմը համարեց այն, որ կազմված է բոլշևիկյան պարտիականության ոգով, այնտեղ փիլիսոփայության պատմությունը տրված է դասակարգային պայքարի պատմության հիման վրա, որպես դասակարգային պայքարի իդեոլոգիական արտահայտություն: Սակայն նա ևս մատնանշեց, որ ելնելով այդ ճիշտ սկզբունքից, հեղինակները սխալվել են ցույց չտալով իդեոլոգիայի հարաբերական ինքնուրույնությունը: Աղաջանյանը նախագծի թերություններից մեկն էլ համարեց այն, որ բավարար պարզորոշությամբ ցույց չի տրված դիալեկտիկական մեթոդի զարգացումը՝ մատերիալիզմի և իդեա-

լիզմի պայքարի ընթացքում, իբրև նախագծի մասնավոր թերություն Գ. Լեզաջանյանը նշեց, որ այնանց չի խոսվում Լեռնատնայի լողիկայի մասին, անբավարար են տրված Դեկարտին և Սպինոզային նվիրված պարագրաֆները, բաց է թողնված ֆրանսիական ուսուպիստ-կոմունիստ Մորելլին, չի տրված իդեալիստական դիալեկտիկայի դարգացումը գերմանական փիլիսոփայության մեջ, ոչինչ չի ասված 16-րդ դարի գերմանական բուրժուական-ոնոլոգիոն շարժումների դեկավարների մասին (Մյունցեր և ուրիշներ), բավարար չափով չի լուսաբանված դիալեկտիկական մտքի դարգացումը Թուսսանում Դերցենից մինչև Զերնիշկսկի և այլն:

Փիլիսոփայության սեկտորի վարիչ Խ. Մամջյանը իր ելույթում մատնանշեց, որ ինչ-րան էլ քննադատելի ու առարկելի լինեն նախագծի առանձին հատվածները, այնուամենայնփի նախագիծը այն հիմքն է, որի վրա հնարավոր է կառուցել փիլիսոփայության պատմության Մարքսիստական-լենինյան մի դասագիրք: Նախագծի անժխտելի արժանիքներն են, — նրա պարտիականությունը, քաղաքական նպատակասլացությունը, պրոֆեսսորական ակադեմիզմի բացակայությունը, խորթ ու թրշնամի իդեաների նկատմամբ հաշտվողական վերաբերմունքի բացակայությունը:

Հրաժարվելով փիլիսոփայության պատմությունն իբրև գաղափարների ֆիլյացիա ներկայացնելուց, հեղինակները ձգտել են գրքի ամեն մի բաժնում ցույց տալ այն անքակտելի օրգանական կապը, որ գոյություն ունի փիլիսոփայական ուսմունքների և սոցիալ-տնտեսական, դասակարգային հարաբերությունների միջև, որոնց ծնունդ են հանդիսանում այդ փիլիսոփայական ուսմունքներն ու իդեաները:

Խ. Մամջյանը նախագծի դրական կողմը համարեց նաև այն, որ նախագծում բավարար չափով խոսվում է առևելյան ժողովուրդների փիլիսոփայության մասին, որով հեղինակները վճռականորեն մերժել են արևմուտքը արևելքին հակադրելու բուրժուական ռեակցիոն փորձերը, մեծ տեղ է տրված ողուսական փիլիսոփայությանը, ՍՍՌՄ մյուս ժողովուրդների և նոր դեմոկրատիայի երկրների փիլիսոփայությանը: Լենինը ողջունելի է նաև այն, որ մարքսիստական-լենինյան փիլիսոփայությունը տրված է ամբողջ ծավալով՝ իր ծագման պահից մինչև մեր օրերը, ինչպես նաև այն հանգամանքը, որ նախագծում հեղինակները բավարար չափով ուշադրություն են դարձրել ժամանակակից բուրժուական ռեակցիոն փիլիսոփայության և սոցիոլոգիայի դասակարգային

քնույթի քննադատությանն ու նրանց մերկացմանը:

Խ. Մամջյանը խոսեց նաև Նախագծի մի շարք թերությունների մասին: Նա մատնանշեց, որ հեղինակները որոշ չափով անտեսել են իդեոլոգիայի, տվյալ դեպքում փիլիսոփայության հարաբերական ինքնուրույնությունը, ցույց չտալով, օրինակ, թե հունական փիլիսոփայության զարգացման վրա ինչպիսի՝ ազդեցություն է ունեցել եգիպտական փիլիսոփայությունը, կամ՝ որն է հելլենիզմի դերը հռոմեական փիլիսոփայության ձևավորման գործում, ցույց չտալով այն կապը, որ գոյություն ունի, օրինակ, Սպինոզայի և Դեկարտի փիլիսոփայության միջև կամ 18-րդ դարի ֆրանսիական մատերիալիզմի և Լոկկի փիլիսոփայության միջև: Հեղինակները ճիշտ են վարվել, երբ փիլիսոփայական սիստեմների և փիլիսոփայական գաղափարների ծագման ու զարգացման վճռական ֆակտորը համարել են տվյալ երկրի պատմական, սոցիալ-տնտեսական և քաղաքական կոնկրետ պայմանները: Այդ է վճռականը, սակայն մարքսիզմը, ինչպես հայտնի է, ընդգծելով այդ, չի կարող բացասել այն իդեական փոխազդեցությունը, որ գոյություն ունի փիլիսոփայական տարբեր սիստեմների միջև:

Իբրև թերություն Խ. Մամջյանը մատնանշեց նաև այն հանգամանքը, որ նախագծում չի զգացվում աթեիստական մարտնչող ոգին, որ իդեալիստական այս կամ այն ուղղության քննադատությունը հետևողականորեն չի զուգակցվում այդ իդեալիստական ուղղության և սերտերականության միջև եղած կապերի մերկացման հետ: Այդ առանձնապես կարևոր է ներկայումս, օրբ կրոնական կազմակերպությունները, և առաջին հերթին Վատիկանը, արտասահմանում կատաղի կամպանիա են ծավալել խաղաղության և իսկական դեմոկրատիայի դեմ, հանգես գալով իբրև իմպերիալիստական էքսպանսիայի ու ռեակցիայի ամենամոլեռանգ պաշտպաններ: Զգալի թերություն է նաև այն, որ նախագծի ոչ բոլոր մասերում է հետևողականորեն երևում մարքսիստական-լենինյան ճիշտ մոտեցումը անցյալի կուլտուրական ժառանգության, տվյալ դեպքում անցյալի փիլիսոփայության նկատմամբ: Այդ տեսակետից նկատելի է, որ, օրինակ, գերմանական փիլիսոփայությանը նվիրված բաժիններում հեղինակները չեն տեսել ոչ մի գրական երևույթ, մինչդեռ մարքս-լենինյան թեորիան պահանջում է դիֆերենցիալ մոտեցում ունենալ այս կամ այն ժողովրդի կուլտուրային, պահանջում է ամեն մի ազգային կուլ-

տուրայի մեջ տեսնել երկու կուլտուրա՝ ունակ-
ցիոն և պրոգրեսիվ:

Հնկ. Մոմչյանը մատնանշեց նաև նախա-
գծի մի շարք մասնակի թերություններ, ինչպես
արինակ, այն, որ անբավարար է տրված քրիս-
տոնեությանը նիվրված բաժինը և անբավարար
է քննադրված քրիստոնեության էությունը,
խիստ ընդգծված է Բյուզանդիայի ու Պարս-

կաստանի ազդեցությունը հայկական և վրա-
ցական փիլիսոփայական մտքի կազմավորման
վրա և որոշ չափով անտեսված է այդ փիլի-
սոփայության ինքնուրույնությունը:

Փիլիսոփայության պատմության դասագրքի
նախագծի քննարկման նյութերը ուղարկվում են
Մոսկվա՝ ՍՍՌՄ Գիտությունների Ակադեմիայի
Փիլիսոփայության ինստիտուտին:

